

مُتَّحِدَاتُ الْقُرْبَانِ

۱۳۲۶

محل اوراقه:
درسمادنده باب عالی جاده سنده
دايره مخصوصه در

انظار:
مسلكمزه موافق آثار جديده مع المنونيه قبول اول دور
درج ايديمين آثار اعاده و نماز

دين ، فلسفه ، ادبيات ، حقوق و علوم دن باحث هفته لق رساله در

درسمادنده نسخه سي ۵۰ پاره در

قبرله دن مقوا بورو ايله كوندريليرسه سنوي
۲۰ غروش فضله آلنير.

درسمادنده پوسته ايله كوندريليرسه ولايات بدي اخذ اولنور.

تاريخ تأييسي :

۱۱ محوز ۳۲۴

مؤسسلري : ابوالعلا زين العابدين - ح . اشرف اديب

سنه لكي التي آياني

۳۵ ۶۵

۵۰ ۹۰

۵۰ غروشدر ۹۰

درسمادنده

ولايتده

ممالك اجنبيهده

عدد : ۲۲

۲۸ ذی الحجہ ۳۲۶ پنجشنبه ۸ کانون ثانی ۳۲۴

برنجی سنه

حدوثنا بر نعمت جلیله اولدیغنه بو آیت دلالت ایدر ، دیمشدر در .
شیخ علی السمرقندی قدس سره حضر تفرینک بحر العلوم متدن
تقلاً روح الیابنده شویله مسطوردر :

« مرویدر که جناب حق یوشع بن نونه : بن سنک اخیار قومندن
قرق بیک واشرارندن التمش بیک کشتی هلاک ایددجکم ، دیه وحی
بیوردی . یوشع دیدی که یارب ! اخیار نه یایدیلر که انلری ده هلاک
ایددجکسین؟ جناب حق بیوردی که آنلریم غضم ایچون غضب ایتمدیلر .
اشرار ایله دوشوب قالدیلر ، آنلر ایله بیوب ایچدیلر . بونکله نمایان
اولور که ظلمه یه لوجه اه بنض و غضب واجبدر . رعایا و برایده و برآ
و بحرأ جمیع اقطار ارضده فسادک ظهوری آنجق بلوکک بوزلمسایله در ،
بوده ایلاک اول اهل علمک بوزلمسندن نشأت ایدر . زیرا قضاء سوء
و علماء سوء اولمیه ایدی حکمدارانک طریق حقدن عدولی آلاشوردی .
بانکه هر عصرده اهل علم حق و عدل و منع ظلم اوزرینه یکدست
وفاق اولوب بو خصوصده علی الدوام بذل جهد و مقدرت ایتسهر
حکمداران مسلك صوابدن عدوله جرأت ایتزلر ایدی ده جور و ظلم
انلر آرسندن بالکلیه محو و مضمحل اولوردی . بونکته یه مبنی در که
خواجه عالم صلی الله علیه و سلم افندمز [لاتزال هذه الامة تحت یدالله
و کفنه ما لم یمالی قراءها امرأها] بیورمشدر که دانشمندان امت
امراء امته جور و ظلمده مظاهرت ایتمدکجه بو امت تحت عنایت و حمایه
الهیده قاله جقدر ، دیمکدر . »
انتهی

بزده دقت ایدم ، اعمال و افعالمزی تصحیح ایلیم ، جناب
حق توفیقی رفیق ایدر .

برکت زاده : اسماعیل حقی

فلسفه اسلامیة :

اثبات واجب

—۳—

مسلك غایت اوزره اثبات واجب

[بومسلك ایله آتیا ذکر اولونه حق مسلك اختراع اوزرینه اثبات
واجب ، مسلك قرآن در . قرآن کریم بویکی مسلك اوزرینه اثبات
واجب و توحید باری یه پک چوق آیات بیانات ایله استدلال ایتمکده در .
اثبات واجب خصوصنده سرد اولونان مسالكک اک مقبولی بویکی
مسلك در . چونکه بتون امور دنیویه و اخروییه ره برنجائمز آنجق
قرآن در . اونک بیاناتی ایسه اوضح بیانات در . زیر الفظیله ، معناسیله ،
بتون افاده سیله اهر معجزات در . بناء علیه مطالب یقینیه نک اک مهمی
اولان « اثبات واجب » مطلب اهمی بو کتاب میندن اقتباس ایتممز
الزم در .

علمای متکلمینک اثبات واجب ایچون سرد ایتدکری حدوث
وامکان مسلكری دخی بو کتاب مینک بیاناته مخالف اولمایوب ،
بلکه آندن مقتبس ایسه ده ، بواقباس اشارت و دلالت اعتباریله در .
یعنی بومسلك قرآن کریمک اشارتندن و دلالتندن اقتباس

اولونمشدر در . حالبوکه مسلك غایت ایله مسلك اختراع ، قرآن معجز
بیانک نیجه آیات بیاناتک صراحتندن اخذ اولمشدر در . بوسبیله
شویکی مسلك مسلك سائریمه رجحانی شبهه سز اولدیغندن ، اشبو
مقاله ده بویکی مسلكک دخی بوجه آتی بیانه شروع ایدیورز :
« غایت » لغتده : برشیتک طرف و نهایتی معناسنده در . اصطلاحده
برفعله ترتب ایدن حکمت و مصلحت دیمک در . برفعله ترتب
ایدن حکمت و مصلحت اوفعلک طرف و نهایتنده حصوله کلدیکی ایچون
آکا غایت تسمیه ایدمشدر .

« غایت » ک معناسی بو اولدیغی معلوم اولدقده دیرزکه : بو عالم
امکانده هر شیتک خلقتنه بر حکمت و منفعت ترتب ایدیور . حکمت
و منفعتدن خالی هیچ برشی کورولیور . بومسئله ده بتون حکما و عقلا
اتفاق ایدیور . از جمله اجرام علوییه نک انواریه جمیع مخلوقات نشوونما
بولیور . کره ارض ، پیکی اولان قر ایله برابر شمسک اطرافنده
دور ایدیور . انلرک بودورلریله ازمان و اوقات حاصل اولیور . ارضک
دوریه موسملر ، سنه لر ؛ قمرک دوریه آیلر حصوله کلیور . صوکر
بو اوقات و ازمان بتون حیوانات و نباتاتک اسباب حیاتیه سندن اک مهمی
تشکیل ایتدیکی کبی بونلر ایله بتون مصالح امم دخی کسب انتظام
ایلیور . کره ارض ۲۴ ساعتده بر کره کندی محوری اوزرنده دور
ایدیور . آنک بودوریلده انسان و سائر حیوانلرک مدار معیشتلری
اولان ایام و باعث راحتلری بولونان لیلی وجوده کلیور . دائماً تنفس
ایتدیگمز هوای اسیمینک ده نیجه فوائد عظیمه یی محتوی اولدیغی
کورولیور . بالتنفس داخله و آق جکره واصل اوله رق قانی تمیزه یور ،
بوسبیله حیات آنکله ادامه اولونیور ، و هر شیدن زیاده آکا احتیاج
مس ایدیور ، حتی بونک ایچون هوا غایت چوقدر : ۵۰ الی ۶۰ کیلو
مترویه قدر نخنی تخمین اولونمقده در . کذا بو هوانک بر چوق اسبابدن
ناشی طالغه لنسیله ریاخ حاصل اولیور . بوریاخ بلوطلری سوق ایدیور .
صویه احتیاجی اولان لرله یاغورلر یاغدیورمق اورالر حیات بخش
ایلیور . بوندن باشقه ریاخ اعضای تذکیریه دن اعضای تأنیته ماده
تلقیحی نقل ایله میولری تلقیح ، حرارتی تعدیل ، هوالری تجدید ،
کیلری تحریک ایلیور . ابجارك خلقتنه دخی عدوا حصادن خارج نیجه
منافع ترتب ایدیور . از جمله بیکلرجه انواع حیوانات آنده تعیش ایلیور .
صوکر ابو حیوانلرک بر چوغندن انسانلر مستفید اولیور . انسانلرک بر قسم
مهمی بالقله تأمین معیشت ایتدکری کبی ، دکزلردن اخراج ایلدکری
نیجه ذی قیمت اشیا سایه سنده توسیع تجارت و تزئید ثروت ایلیور .
کذا دکزلر کندیلری ده سهولته سیرسفا ئنه صالح بر صورتده یارادلمش
اولدقندن بوسایه ده دخی انسانلر ایچون پک چوق منافع حصوله
کلیور . مثلاً : اقضای شرق و اقضای غربده بولنان امتعه و اشیا
یکدیگره نقل اولنه رق انواع تجارت حصوله کلیور . حتی بوکون
تجارتک اک بیوکنی تجارت بحریه تشکیل ایدیور . یینه بوسایه ده
بتون بلادک صنایع و معارفی بر برینه انتقال ایدرک مدنیت کوندن
کونه ترقی و تزاید ایلیور . کذا شمسک روی زمینه نشر ایتمکده

سکا بیک کره دیدم قوشمه ، یاواش کیت ، یاراماژ !
هادی قالدق آغلامه .. سوز دیکسهک اولمازمی بزاز ؟
سیاکیویز اوستنی احمد ، باقیویز آغلاماسین ؛
آغلامام انا بابا ..

— آرتق یتیشیر ، اوینامایک ؛

سوکدی باقدم که همان بر آلائی اطفال اوتهدین ،
اوصل موکب شادی ، اونه عالم ، کوزسهک !
هر چوجق بر قوجه مان بایراق ایدیتمش ، کلیور ؛
« یاشاسین ! » سسلری افلاکه قدر یوکسلور ؛
کوردرک یاپمه دکل هم ، نه طبیعی اطوار ؛
شو یومور جاقلره باق : صانبکه ازلدن احرار !
باغیرک هایدی چوجقلر ..

— یاشاسین حریت !

دیرکن آلقیش کلیور ، صوکره ده نوبت نوبت
یا وطن شرقیسی یاخود اوکا بکزر بر شی
اوقونوب هر گوشه چین چین اوتیور .. هی کیدی هی !
بر مزارلق کبی طالغین یاتیورکن دهها دون ،
شو سوقاقلرده بوکون طالغه لانان روحی کوروک !
— بزده کیتسهک آزیجق ، انا بابا ، اولمازمی ؟

— کیدک ،

چوق قوشوب ترله میک ها ! آمانک دقت ایدک .

ایکی قاردش طالهرق لجه اطفاله همان ،
ایکی دردانه عصمت کبی یوزمکده ایکن ،
باقرق آرقه لرندن بو کوزل یاورولرک ،
دوندی بردن بره سپاسی طوران اختیارک ،
نه ایچون آغلادی ؟ بیلمم ، شونی طویدم یالکنز ؛
— آه بر کره کلوب کورسه یمندن بابا کنز ! ..

محمد عاکف

تصحیح

چکن هفته کی استبداد منظومه سنده « شوقور قولق کبی دیم دیک
طوران حریفمی ؟ پاشا ! » مصرعنک نهایتده کی « پاشا » کله سیله « عجب نه
وار دیه رک قوشدی اوکجه دن هر کس » مصرعنده کی « اوکجه » کله سی
یا کلش دیزلمش اولدینندن تصحیح اولمنسی رجا ایدهرز .

سفیر الاسلام الی سائر الاقوام

— مابعد —

تاسعاً : اسلام ، سنک علمکدن و حول و قوتکدن و سائر مالکیت
وموروثاتکدن و اعمالکدن و تخیلات و امالکدن متبری و روحکدن

اولان حرارتیله دکزلردن بخارلر صعود ایدرک و اوراده باتکائف
قار و یاغموره تحول ایلیرک روی زمینه یاغیور . بو قارلرک ، بو یاغمور .
لرک روی زمینه یاغمویله مابه الحیات اولان نهرلر ، ایرمقلر حاصل
اولدینی کبی اشجار و نباتات و حیوانات دخی حصوله کلیور . دله
اجسام عضویه نك و علی الخصوص اعضای انسانیه نك خلقتلرینه
ترتب ایدن حکم و مصالح بتون عقلا و حکمای حیرته بر اقیور .
فن منافع اعضا کتابلرینی امعانه مطالعه ایدن کیمسه لرک عظمت باری په
وضع سبحانی په حیران اولاملری قابل دکدر . الحاصل شو عالم
کونده ساحه آرای وجود اولان هر شیئک خلقنه نیجه حکمترلر ،
نیجه مصالحلر ترتب ایتمکده اولدینی بیاندن مستغنی دره ، حالبوکه بتون
اشیانک بویله نیجه حکم و مصالحی متضمن بولمنسی تصادفه حل اوانه میه جفی
درکار و بونلرک برغافل حکیمک آثاری اولدقاری آشکاردر . اوانعل
حکیم ایسه « الله » اسم شریفیله تسمیه اولنان جناب بدیع الآثار

حضر تلریدر .

موسی کاظم

صفحات حیاتدن

حریت

— ایکی کون صوکره —

بیاض انثار سیله قار کبی قیز ،
صانبکه جتندن اینمه زاده حور ؛
یا سحر پاره درکه پر اندر
دوش نازنده بر سحابه نور .
قوشانوب بر نطق حریت
کز پیور خاکدانی دورا دور !
هاله دار ایلینجه بدری شفق
بو قدر دلنشین اولور آنجق .

یاشو اوغلان ، شو طوس طویاج آفاجان
که فضالر کلیر سرور ینه طار ؛
طاشیور صانبکه صیغمیور قابنه ..
کندیسندن بویوک ده بایراغی وار !
کچدی ماضی دینن اودور ملال ،
هایدی فتح ایت : سنکدر استقبال .

قوشیور ال اله ویرمش ایکی قاردش ؛ برینک
یاشی بش یوقسه ده وار آلتی قدر دیکرینک .
باقیور آرقه لرندن دایانوب دکسکته
خیلی دوشیکون بر آدام :

— قیز اونه ؟ دوشدکی ینه !